



石林居士建康集卷第五



表

謝到任表

分東道之封圻再臨江國守北門之管鑰
密護宸居任非所堪辭不獲命臣某中謝
伏念臣去違軒陛俯仰十年退伏丘園棲
遲一壑念多壘尚艱則懷捐軀盡瘁之義
思大恩未報則有畢命靡他之言敢擇所



安自求遠屏喟年齡之浸晚迫疾恙之交
攻惟聖主曲亮此心故愚臣得安其分豈
期人之復誤詔除力殫懇款之誠莫聽高
明之聽勉交印綬實愧吏民茲蓋伏遇皇
帝陛下惠顧臣鄰憂勤土宇撫萬邦巡候
甸何止臨踐土之宮會諸候選車徒是將
復東都之業責其來効付以舊邦斗運天
旋已振荆吳之勝氣風驅電掃行銷何岱
之妖氛但臣陳力不能強顏何補欽承威
昔旨暫假歲時疆場無虞倘苟逃于謹戾
冕旒甚迓尚終莫于慈憐

謝傳宣撫問賜茶藥表

使傳俯臨殆非常禮寶奩拜賜併沐異恩

自驚衰朽之餘曷稱褒嘉之過臣某中謝

伏念臣迂踈憂寡與懃拙多難艱蚤歲朝

廷既乏秋毫之効暮年疆場何賜汗馬之

勞誤辱眷慈猶叨委寄愧懇辭之弗獲曾

報政之未遑遽屈王人親承帝問措紳改

觀共知聖主之不遺里巷巷爭傳更覺陪

都之增重此蓋伏遇皇帝陛下曲矜舊物
欲勵途臣念其嘗事軒墀久絕朝天之望
憐其服勤薄領未忘報國之忠借以寵光
榮其晚暮填地廣敵境秋高明詔申嚴預
謹奔衝之寇奏封賜可仍寬凋瘵之民願
謁疲驚少酬聖造

謝乞宮觀不允降詔表

誤當劇任初無屏翰之勞再荷殊私重愧
遷延之役懇祈莫効被寵惟危臣其中謝
伏念臣衰病餘生空疎末學盡力承平之
日尚不克堪課功多事之時豈能免過故
瀝誠而自列幸量已以苟全詎意寬慈疊
形鐫諭推之不去深有愧于吏民義弗遐
遺幸見收于君父茲蓋遇伏遇皇帝陛下

憂勤念治清靜撫民謂陳力不能深欲自
安于愚分而退人以禮尚期曲盡于眷存
故捐體貌之隆少假羈孤之迹臣屢違恩
旨勉奉訓辭力將敗而猶馳何取駑疲之
用器已盈而更受終懷願覆之憂

賀天申節表

天人合契爰開出震之符夷夏交勸歡共
獻如山之頌休明所暨呼舞攸同臣某中
謝竊以定暴亂而致太平孰不期于真主
履艱難而念無逸必將報之永年惟上帝
之儲休与斯民而同欲恭惟皇帝陛下功
高振古運際中興膺謳歌朝覲之歸久已
仰吾君之子脩文武神聖之德是宜為天

下之君茂介純禧莫隆茲日臣外司留鑰
阻奉壽觴俯葵藿以傾心敢忘委照味松
椿而歸美願効羣言

謝左中大夫表

賞必眡功既誤褒嘉之實老宜得戒得重
貽貪冒之訛退自省循惟深隕越臣其中
謝伏念臣久從幽屏再荷使令戎事猶艱
固欲謂情而自効聖恩未報敢期愛已以
偷安雖此心訖無成績故求力求于閒散
幸苟免于曠瘵方俟矜從反叨寵數鉛刀
何有全牛之技已窮故道空存老馬之知

餘几茲蓋伏遇皇帝陛下高明委照博大
兼容光宗諱勵有功豈愛彤弓之錫憫憐舊
物未忘墜履之收致此迂愚例存記錄臣
敢不勉承德意更激懦衷洛邑初營冒稱
保釐之守漢儀復見終口戡定之期

賀天申節表

歷數在功既終陟于元后天地合德咸利
見于大人慶溢斯民祥開是日臣其中謝

竊以考三代興王之業孰盛于仁盡萬方
報上之誠必歸之壽惟頌聲之所美固臣
子之樂推恭惟皇帝陛下出震延休承孔
撫運體聰明叡智而不殺我武維揚備剏
健輝光而日新無遠弗届宜鍾百順永錫

萬年臣久遠清光載逢華旦瞻雲就列跡
莫效于晉紳望海朝宗以徒傾于觀闕

謝資政殿大學士表

一字之褒仰勤明訓十旬之內再休誤恩

懇辭莫効于精神誠祇命惟增于戰慄慄

中謝伏念臣逢時遇幸受寵居多積丘山

未報之私無毫髮可論之効豈不曰知難

而退悼此志之未伸固嘗懷見義必為曾

餘生之何有矧茲黜虜方正嚴誅驅太原

北伐之師雖即期于殄滅保洛邑東郊之

衆可無待于撫綏自省何勞能當異數茲
蓋伏遇皇帝陛下矜存舊物駕遇群才視
臣鄰于股肱蓋欲奔趨而承事以爵祿為
砥石又將磨礪以勸功重假衰殘申加獎
飾佩景德升班之意敢陪近侍之殊榮追
修文創始之名尤愧諸儒之極選雖期隕
首莫稱所天

賀明堂禮畢降赦表

合二至之郊禋兼六宗之廟享報本反始
雖上帝為所獨尊因時制宜必至人乃能
盡受明靈允答海宇蒙休臣某中謝竊以
奎御省方已更四閏羯夷謀夏几動三方
用徼福于上下神祇亦云已至增修于禮
樂刑政其敢有遺惟宸以望治之愈深故
元祀益恭而無怠恭惟皇帝陛下外貽明

德中極小心受天下之歸徃而不敢康履
王業之艱難而思其始方茲醜類復敗齊
盟殖有禮而覆昏亡師不妄動祈福祥而
求永正史無愧辭袂盛典以載嚴均普天
而同慶臣濫當藩輔祇布恩言奉璋笈
雖莫陪多士駿奔之列降福簡：竊獲預
庶民敷錫之歡

賀皇太后冊寶禮成表

建宮內梱方新長樂之儀備物明廷遂正
東朝之號凡居覆冒奉極欣榮中謝竊以
事莫大于奉親孝莫先于隆禮惟盡報本
之誠莫能為之稱故嚴推尊之義乃可致
其榮於顯鴻名式昭大養恭惟皇帝陛下
功高撥亂德懋承祧言念母儀夙有光于
前烈肆揚天命訖垂裕于後人荐履艱危

居懷定省造皇基之始振幸法駕之將還
乃卜元辰前修令典徽音克嗣化已被于
家邦景耀流傳言自成于雅頌臣拘縻印
綬阻造軒墀慶集雲來行設含飴之奉歡
騰夷夏更寬問膳之思

謝大禮加封食邑表

五等分封雖名存而實廢三年進律蓋禮
厚而恩隆深漸滿溢之餘更冒寵鴻之賜
中謝伏念臣起家寒陋遭世盛明竊大邑
以庇身已為非分率諸侯而述職曾莫効
勤方大享之告成与敷天而同慶曷云異數
更及罔功茲盖伏遇皇帝陛下德協神人
孝安宗廟犧牲玉帛不忘裸獻之修輝翟

胞閭均被餒餘之澤憫服勤之已久肆歛
福以均敷臣敢不策蹇自期履冰思戒五
百里諸公之地敢自比于周邦二千石刺
史之封猶有慚于漢秩未知報稱惟積兢
危

謝奏陳金賊退敗降詔獎諭表

正王者之兵既張天討申輿人之誦少達
下情仰荷眷慈特膺殊獎

中謝伏念臣少

而不武老而益無能當長江禦侮之衝適
醜虜敗盟之際惟付臣有億萬衆皆倒戈
攻後之徒而楚惡已數十年亦冒喪皆亡
之日戎車既駕我武惟揚敵所愾以爭先
首摧亮焰取彼殘而共殄卒掃妖氛慙無

矢石之勤濫竊璽書之賜敢懷探美輒奏
罔功茲蓋伏遇皇帝陛下謀蒞自中威行
無外不震不動圖回每盡于敵情能弱能
強終始弗逃于聖算欲勵服勤之士故損
假寵之榮臣方以病衰懇祈退免克言爭
誦雖莫酬君父不口之恩漢札綏書猶足
示子孫無窮之窮寶

謝軍寨遺火放罪表

奉賊不虔自貽曠敗撫躬引咎方俟謹訶

仰荷寬慈曲從貸釋中謝伏念臣素無遠

用本寔凡才沉迷薄領之間徒勞無補出
入兵戈之際愈久益踈誤竊守符仍司留
鑰既不能折衝強敵少盡力於僮陸又無
以和輯疲民使久安于閭里致今非非意
罔戒不虞知重廢于官常敢幸逃于吏議

茲蓋伏遇皇帝陛下諱微接下以德行仁
雖愛憫黎元如御朽素之馬而保全臣子
每漏吞舟之魚念將迫于終更俾不污于
後累世敢不勉殫衰懦深務省循豈不懷
悌未遂乞身之請退思補過終慚報國之
心

賀天申節表

發祥降祉天用啟于永圖攬亂興衰世必

推于真主載偶光華之旦咸欣震夙之期

臣某中賀恭惟皇帝陛下法禹勤儉勤錫

湯勇知懷早麓造邦之業盡車攻復古之

謀視國履冰靡不思于宏濟拯民塗炭皆

有賴于至仁丕承四海之心茂對千齡之

運臣拘縻疆場阻造治朝謠誦交騰孰匪

松椿之願威顏近途惟深葵藿之誠

謝傳宣撫問賜茶藥表

內府兼金尚方珍物禮加異數屈使指以

親臨威不違顏凜天光之在望臣某中謝

伏念臣久從流落晚際聖明橫草無功徒

欲捐軀而盡瘁飲水自勵敢懷擇地以圖

安第迫衰殘終辜眷遇詎意乾坤之大造

誤矜犬馬之微勞既俾後圖仍申好賜豈

獨至仁之廣被姑俟匪頌仰承厚意之所

將殆非前比茲蓋遇伏遇皇帝陛下光明
下濟博厚兼容正陪都管鑰之崇欲先四
海嚴大國封疆之寄用聳三軍故憐替履
之微曲假軒墀之舊力已疲而任重恩愈
厚而報難臣敢不勉務消塵益扶朽鈍言
而有補敢忘藥石之酬義所當堅期効金
湯之守

謝再任表

三載黜幽方惧于明憲再命而偃忽游
被于異恩不稱所蒙重慚非據臣其中謝
伏念臣早由踈賤悞竊寵榮先朝濫置于
從班本無効陛下擢登于政路已迫衰殘
自知陳力之無堪惟有乞身而退屏逮謀
帥間仍玷留都故連年雖幸于苟安而無
歲不祈于罷免仰蒙全貸偶及終更惟聽

鼠五技之既窮亦驚馬十駕之何及豈期
誤聽更責後圖茲蓋伏遇皇帝陛下體貌
羣工作興庶政念其拳、忠相初非有愛
于餘生察其齷、廉勤猶未遽罹于大過
始令代匱豈曰固能丁寧殆至于再三感
勵難酬于萬一臣敢不欽承德意勉激愚
衷苟子產見推晚或容于鄭俗雖庶頗已
老終無憾于趙人

謝親文殿學士表

恩非所稱難逃負乘之訛命出非常莫獲
循牆之遯重勤訓飭倍極兢危臣其中謝
竊惟學士建名維興前代近臣分職蓋始
本朝至于易文明顧問之稱冠秘殿寵褒
之盛仰觀事尤號殊榮爰歷艱難蓋多勲
德以舊臣宣勞于外固不乏人由建炎越
次而除則無前比乃如固陋其敢叨逾茲

蓋伏遇皇帝陛下詎篤臣鄰憂深中外謂
與之名者將求其實而使之禮者必報其
忠故于賢、蒐選之間每有下、并包之
意重念臣受才至薄涉世多艱少日量能
尚有滿盈之戒暮年多取豈無顛覆之憂
雖傾謂于餘生恐終辜于大造

謝居民遺火待罪令安賊表

無功受祿已愧素餐有罪不誅復叨寬典
仰惟大施畢出至仁臣某中謝伏念臣誤

以疲駑游蒙委寄方戎馬戒嚴之際且早
賜害祿之餘反側未安凋殘易困雖無撓
獄市每師齊相靜治之風而御名守封疆
敢忘魯人請事之意訖無寸効重愧本心
可容非意之憂更速曠官之責法當顯黜

恩獨原情茲蓋伏遇皇帝陛下德極含弘
道全忠恕八柄並用固將昭示于賞刑三
宥所加終欲掩蔽其過失幸其可再居不
遑寧臣敢不上體眷慈勉扶衰病遵簡書
而奔命未敢言歸記焚室以寬征庶無失
時

賀天申節表

天休申命爰開真主之符帝武蒞祥用錫
庶民之福載逢華旦欽頌永年臣某中賀

恭惟皇帝陛下道配帝王功施夷夏競
業：每懷履位之艱繼：承：方啟興王
之造神祇協祐福祿來崇閱三千歲之靈
長用扶卜世膺億兆人之愛戴罔不歸仁
臣拘守郡符阻趨宸陛莫遂朝宗之志徒

增拱極之心

賀大朝會表

宸心抑會曠盛典而弗居群議再揚幸戎

兵之始間是為周禮豈惟漢儀臣其中賀

恭惟皇帝陛下基命昊天紹休文祖惟聰

明睿智而不殺故能服天下無所用威既

艱難險阻之脩嘗則必履帝位以大居正

輅車在列鐘虞畢陳湛露惟晞共仰朝陽

之盛橫流式遏敢忘巨海之歸臣假守外

藩獲逢熙事五侯奉幣濫居邦甸之先萬
壽稱觴莫預公王之末永懷魏闕徒謂累
裹

石林居士建康集卷五終

